

आकाशवाणी

1. एक्सओम –4 मिशन जेदे च भारत दे शुभांशु शुक्ला होर शामिल न गी खराब मौसम करी अगड़ा पाई दिता गया ऐ।

2. भारतीय नौसेना ने सिंगापोर दे जहाज एमवी वॉन हे 503 च अग्न लगने मगरा ओहदे च फस्से दे अमले दे 18 मिनटों गी सुरक्षित बाहर कड़डी लैता गेआ ऐ।

3. लोकसभा दे स्पीकर ओम बिरला होरें आक्खेया जे भारत अपनी युवा प्रतिभा ते प्रधौगिकी च नमिएं काह्डें राएं समकालीन चुनौतिएं दा हल कड़डने च कुलसंसारी लीडर दे तौरा पर उभरा'रदा ऐ।

4. केंद्र सरकार ने सेमिकंडक्टर ते ईलैक्ट्रॉनिक उत्पादें दे निर्माण गी बढ़ावा देने लेई विशेष आर्थिक जोन आस्टै नीतिगत छूट देने दी घोषणा कीती ऐ।

5. मुख्य दे मन्नै परमन्नै दे विकटकीपर—बल्लेबाज महेंद्र सिंह धोनी गी आईसीसी हॉल ऑफ फेम च शामिल कीता गया ऐ।

6. फुटबॉल च, भारतीय मर्दे दी सिनियर टीम दा 2027 च होने आहले एएफसी एशियन कप दे फाइनल क्वालिफायर राउंड लेई अज्ज होंग—कॉंग कन्नै मुकाबला होग।

<><><><><><>

Axiom-4

मजूदा समें ते भविष्य च अंतरिक्ष अनुसंधान च सैह्योग दे मकसद कन्ने साईंस तर्जुबे लेई एक्सियम अंतरिक्ष कंपनी दे चौथे मिशन गी गासै च भेजने दी प्रक्रिया गी खराब मौसम दे चलदे इक दिने लेई अगड़े पाई दितता गेआ ऐ। भारतीय अंतरिक्ष अनुसंधान संगठन इसरो दे अध्यक्ष बी.नारायण होरें दस्सेआ ऐ जे हुन एक्सियम-4 मिशन भारतीय समें दे मताबक कल संजा साढ़े 5 बजे केप कैनेवरल दे कैनेडी अंतरिक्ष केन्द्र थमां भेजेआ जाग। अंतरिक्ष यात्रिएं गी लेइयै स्पेस एक्स ड्रैगन कैनेडी स्पेस स्टैर दे 39 नंबर लांच पैड थमां रवाना होग। इस एतिहासक मिशन च भारत दे शुभांशु शुक्ला हुंदे अलावा अमरीका, पोलैंड ते हंगरी दे अंतरिक्ष यात्री 14एं दिनें तगर अंतर्राष्ट्रीय अंतरिक्ष केन्द्र च रौंहगन।

<><><><><><>

Navy

भारतीय नौसेना नै तटरक्षकें कन्नै रलियै इक नेडमें तुपाई ते बचाह कारवाई दरान सिंगापुर दे समुंद्री जहाज एमवी वॉन हाई 503 दे 22 चा 18 मिनटों गी सुरक्षित बाहर कड़डी लैता ऐ। एमवी च इक अंदरूनी कंटेनर च घमाका होने मगरा अग्न लग्गी जाने दी खबर थोई ऐ। भारतीय नौसेना नै दस्सेआ जे कल बउलै साढ़े 9 बजे एमवी जहाजै चअग्न लगने दी जानकारी थोने दे तुरत मगरा आईएनएस सूरत ते डोरनियर हवाई जहाज गी सहायतार आसतै तैनात करी दित्ता गेआ। घायलें दा इलाज कीता जा'रदा ऐ ते एमवी जहाज गी न्यू मंगलोर लेता जा'रदा ऐ।

<><><><><><>

LS-Speaker

लोकसभा स्पीकर ओम बिरला होरें आखेआ ऐ जे भारत अपनी युवा प्रतिभाएं ते प्रौद्योगिकी नवाचार कन्नै मजूदा चुनौतिएं दे हल आस्तै विश्व नेता दे तौर पर उभरा'रदा ऐ। भारतीय प्रौद्योगिकी संस्थान जोधपुर च आयोजित समारोह गी संबोधत करदे होई बिरला होरें समाजिक, आर्थिक ते तकनीकी प्रगति गी बढ़ावा देने च भारतीय युवाएं दे यागेदान दी सराहना कीती। राष्ट्र दी प्रगति च युवाएं दी भूमका दा जिम्मा करदे होई उनें मुख्ये दे हित च भलेया अज्जै कल्लै दी तकनालोजी थमां लाह् ठोआने दा आग्रह कीता। बिरला होरें आखेआ जे भारत दे युवा हुन रोजगार तुप्पने आलें दी थाहर रोजगार पैदा करने आले बना'रदे न। उनें युवाएं थमां विकसित भारत दी यात्रा च सक्रियता कन्नै शामिल होने दी अपील कीती।

<><><><><>श

PM- Transformation

प्रधानमंत्री नरेन्द्र मोदी होरें आखेआ जे पिछले 11एं ब'रें च मुख्य बक्खरे—बक्खरे क्षेत्रें च हसेअस करदे तेजिया कन्ने बदलाव दा गवाह बनेआ ऐ। जियां के राष्ट्री लोकतांत्रिक गठबंधन आली सरकार यानि एनडीए नै केन्द्र च अपने 11एं ब'रें दा कार्यकाल पूरा करी लैता ऐ। प्रधानमंत्री होरें जोर देइयै आखेआ जे सबका साथ सबका विकास, सबका विश्वास सबका प्रयास लनेह् सिद्धांतें गी लेइयै केन्द्र नै तेजी कन्नै चोटी आले संवेदनशील, एतिहासक सुधारें गी अंजाम दिता ऐ। मोदी होरें आखेआ जे अज्ज दे बेल्ले च सिर्फ तेजिया कन्नै बधदी बड़्डी अर्थबवस्था गै नेइं सगुआं पर्यावरण आस्तै कम ते डिजिटल नमिणं काह्डें दी कुल संसारी अवाज बी बनेआ ऐ।

<><><><><>

SEZ

केन्द्र सरकार नै विशेष आर्थिक जोनें लेई केई नीतिगत छूट दी घोशणा कीती ऐ जे उच्च तकनीक आले उत्पादन खास करियै सैमीकंडक्टर ते इलैक्ट्रानिक्स उत्पादें गी बढ़ावा दिता जाई सकै। एह बदलाव बड़्डे निवेशकें गी आकर्षित करने, नियामक रूकावटें गी दूर करने ते कुल संसारी सैमीकंडक्टर उत्पादन च भारत दी स्थिति गी मजबूत करने लेई कीते गे न। मुख्य बदलावें च सेजन्ट रूल 2006 दे नियम 5 च संशोधन बी शामिल ऐ जेहूदे च सैमीकंडक्टर जां इलैक्ट्रानिक उत्पादें दे उत्पादन लेई घट्टोघट्ट जमीन दी लोड गी 50 हैक्टेयर थमां घटाइयै 10 हैक्टेयर करी दिता गेआ ऐ।

<><><><><>

Viksit Krishi

केन्द्रीय राई—बाई मंत्री शिवराज सिंह चौहान होरें आखेआ जे राई—बाई दे क्षेत्र च विकास हासल कीते बगैर मुख्य विकसित मुख्य नेईं बनी सकदा। तेलंगाना च रंगा रेड्डी जिले दे मंगलपल्ली च आयोजित विकासशील कृषि संकल्प अभियान च करसानें गी संबोधत करदे होई उनें खाद्य सुरक्षा हासल करने ते भविष्य दी पीढ़िं आस्ते मिट्टी दी राखी करने पर जोर पाया।

<><><><><>

IMD

भारती मौसम विभाग नै तटीय कर्नाटक ते आंतरिक कर्नाटक, केरल, माहे, ओडिशा, तमिलनाडू, पुदुचेरी, कराईकल ते उत्तर पूर्वी राज्यें च अज्ज भागी बरखा ते बदल गरजने ते बिजली चमकने ते अंधी झखड़ चलने दी पेशगोई कीती ऐ। तटीय आंध्रप्रदेश, अंडमान निकोबार, छत्तीसगढ़, झारखंड, मराठावाडा, मध्य महाराष्ट्र दे किश हिस्सें च अगले दो

दिनें तगर बिजली चमकने ते अंधी झकड़ चलने दी संभावना ऐ। मौसम विभाग नै दिल्ली, हरियाणा, चंडीगढ़, जम्मू कश्मीर, लद्दाख, मध्यप्रदेश, पंजाब, राजस्थान ते उत्तर प्रदेश च अज्ज लूह चलने दी संभावना ऐ।

<><><><><><>श

Dhoni Hall of Fame

मन्ने परमन्ने दे भारतीय क्रिकेटर महेन्द्र सिंह धोनी होरें गी अंतर्राष्ट्रीय क्रिकेट परिषद-आईसीसी दे प्रतिष्ठित हॉल ऑफ फेम च शामिल कीता गेआ ऐ। आईसीसी नै आखेआ ऐ जे भारतीय क्रिकेट टीम दे साबका कप्तान ते कुशल विकेट कीपर महेन्द्र सिंह धोनी इस बारे एह सम्मान हासल करने आले 7 क्रिकेटरें च शामिल न। मुश्कल हालातें च बेमिसाल नेतृत्व करने दी क्षमता ते सटीक कौशल लेई धोनी होरें गी हॉल ऑफ फेम च शामिल कीता गेआ ऐ। धोनी नै अपने अंतर्राष्ट्रीय करियर च 532 मैचें च 19 ल्हार 266 रंज बनाए न, 329 स्टंप आउट कीते न। धोनी दी कप्तानी च भारतीय टीम नै आईसीसी दे त्रै बड्डे टूर्नामेंट 2007 च टी-20 विश्व कप, 2011 च इक दिवसीय विश्व कप ते 2013 च चैंपियन्स ट्रॉफी जित्ते न। धोनी होरें आखेआ जे हॉल ऑफ फेम च शामिल होना उंदे लेई मान्ने आली गल्ल ऐ।

<><><><><><>

Football

हांगकांग च 2027 एएफसी एशियन कन फुटबाल दे फाइनल क्वालीफायर राउंड मैच च अज्ज भारतीय टीम दा सामना हांगकांग कन्ने होग। मैच भारतीय समें मूजब संजा साढ़े 5 बजे थमां शुय होग।

<><><><><><>

Read: Natyapal Singh

Stand By: Shruti Khajuria

Editor : Kunal Shrivatsa

D.E.O. : Mukesh Gupta

Skilled : Rajat